

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Exponitur & statuitur sententia Thomistica.

[urn:nbn:de:hbz:466:1-73455](#)

nis à DEO, sed Divina scientia suam certitudinem ab ipsis accepere. Quorum illud naturæ continentium; istud perfectioni Divina scientia re-pugnat ex sepe dictis. Unde per hanc scientiam non obtinetur DEUS (quod sibi persuaderet cit. Vecken.) ut nihil dicaret ex eventu; sed vice versa omnia dicaret ex eventu, non quidem posito, sed ponendo: cùm nisi eventus illi conditionatus ex determinatam haberent veritatem sua futuritionis, nullum de iis judicium certum formari à DEO posset.

An secundò ideo fortè scientia forer utilis, ut per ipsam constaret, quo modo DEUS absque liberi arbitrii prejudicio (cuius libertatem positis prædeterminationibus periclitari existimant) alii det gratias efficaces, alii verò tantum sufficien-tes: quia nepte per scientia medie exploratio-nem novit, hanc gratiam in his circumstantiis, quibus cooperaturum vidit, dat efficacem; alteri, cuicunq; infundibili judicio non dederit in iis circumstantiis, dabit tantum gratiam sufficien-tem. Sed neque ex hoc capite vel DEO, vel gratiae, vel homini potest esse conveniens. Non DEO; quippe a quo tollit prioritatem causa. Non gratiæ, quia aucter efficiaciam & rationem gratiae ex-citantis & operantis, qua de noalentibus volentes faciat. Non homini: quia is absque DEI mo-tione prævia, qua sit executio aternæ prædefini-tionis, in actu prolide non potest.

Neque per hanc scientiam medium sufficienter occurrit impiorum hominum murmuratio, conquerentium, cur me DEUS non prædeterminavit, ut bona facerem? An non enim simili modo DEO obloqui poterunt? Cur me DEUS non poluit in iis circumstantiis, in quibus me per scientiam medium sua gratiae cooperaturum vidi, ne in aliis circumstantiis positus peccarem, & pe-rem? Manet igitur, scientiam medium nec utili-temesse, neque possibilem.

Quæs: Ad quam igitur scientiam ex duabus scientiis in genere adæquata dividentibus, pertinebit scientia conditionatorū? An ad scientiam visionis, vel simplicis intelligentia? Non ad priorem: quia illa, cum sit intuitiva, solum terminatur objecta habentia exercitam existentiam in determinata temporis differentia, & coexisten-

tia in æternitate: atqui futura conditionata, de quibus loquimur, nullam habent, nullam habebunt existentiam. Non ad secundam, quia hæc scientia est necessaria, possibilium, & præsuppo-sito omni decreto.

Respondeo, parum referre, ad quam ex ipsis re-duetur: cùm enim participeret aliquid de utraque, ad utramque reductivæ pertinere potest. Unde primò, qui scientiam simplicis intelligentia adæ-quatae accipiunt, pro omni scientia abstractiva DEI, attingente creaturas nunquam producendas, sive antecedat, sive non antecedat omni decreto, reducunt illam ad scientiam simplicis intelligentia, quæ inadæquata sumptu secundum illam partem, quæ antecedit omni decreto, sic est ne-cessaria & rerum purè possibilium; secundum aliam verò partem, quatenus sequitur decreto conditionatum, sic est scientia libera & conditio-natorum. Alii contrà, qui omnem illam scientiam appellant scientiam visionis, qui conse-quistur ad quocunque decreto DEI, estque scien-tia libera, sive deinde sit intuitiva, sive non, sive terminetur ad actualiem, sive tantum ad condi-tionatam existentiam rerum, reducunt illam ad scientiam visionis.

Ex quo pater responsio ad rationem dubitan-di: Nam ad 1. dicitur, scientia visionis (si acci-piatur pro omni scientia libera præsupponente qualecumque decreto) est rerum existentium vel absolute vel conditionate, conc. tantum absolute nego, estque intuitiva, si capiatur inadæquata secundum illam partem, quæ supponit decreto penitus absolutum, estque proin de rebus absolute existentibus, vel extirris, concedo: si capiatur secundum alteram partem inadæquata, quæ supponit decreto objectivæ conditionatum, estque de futuri conditionatis, nego. Et ad 2. scientia simplicis intelligentia (si accipiatur pro omni scientia abstractiva) est necessaria & rerum possibilium; secundum partem inadæquata, quæ præsupponit omni decreto, concedo, secundum alteram partem inadæquata, quæ includit decreto conditionatum objectivæ, si nego. Ita scientia conditionatorum juxta diversam acceptio-nem ad utramlibet ex prædictis scientiis reductivæ pertinere potest.

ARTICULUS V.

An DEVIS futura conditionata videat in decreto conditionato?

S U M M A R I A.

1. *Futura habentia infallibilem connexionem cum conditione pertinent ad scientiam simplicis intelligentia.*
2. *Duplicis modus, quo decreto potest dici conditionatum.*
3. *Datur in DEO decreto objectivæ conditionatum.*
4. *In quo videt futura conditionata.*
5. *Cur in conditionatis regurgitatur major existen-tia cause, quam effectus?*
6. *Ifa decreta nec sunt oris, nec ridicula.*
7. *Non sequitur DEVIS habere infinites infinita decreta circa futura conditionata.*

§. I. Exponitur & statuitur sententia Thomistica.

Notandum primò. Questionem non procedere de futuris conditionatis habentibus ex se necessariam vel infallibilem connexionem cum conditione & antecedente, uti sunt, signis appli-catis fuerit stupa, comburet. Si Petrus habuerit gratiam efficacem, panthebit, hæc quippe conditionales propter necessariam vel infallibilem con-nexionem antecedentis cum consequente tam ha-bent determinatam & infallibilem veritatem,

T 3

quam

quām iste propositiones absolutē æquivalentes, Petrus habens gratiam efficacem panificandi panis et ignis applicatus supra comburere: idéoque pertinent ad scientiam simplici intelligentię.

2. Notandum secundò. Decretum voluntatis duplaci modo posse dici conditionatum. Primo ex parte objecti, sive actus, cùm videlicet conditio magis afficit actum, quām objectum, cuiusmodi sunt velleitates & imperfectæ inclinations in ipsum actum absolutum & efficacem, si hæc vel illa conditio poneretur, ut E. g. si quis dicat, vellem emere has merces, si haberem pecunias; vellem legere hunc librum, si intelligerem, tunc enim non significat præsentem & actualem voluntatem comparandi merces, legendi librum, &c. sed tantum quod esset habiturus hanc voluntatem, si poneretur talis conditio. Secundò, potest actus & decretrum voluntatis dici conditionatum solum ex parte objecti; ita ut determinatio voluntatis sit ex se ab soluta, præsens & efficax, effectus tamen sit suspensus usque ad positionem aliquius certæ conditionis, ut si dicas: volo accipere doctorem, si habuero sufficientes pecunias, volo ambulare, si fuerit serenus, significans absolutam & efficacem voluntatem ambulandi; effectus tamen ambulationis est alligatus ad conditionem serenitatis.

3. Notandum tertio. Non dari in DEO decreta conditionata ex parte actus. Ratio prima partis est, quod velleitates istæ conditionatae important suffisionem quandam & imperfectam inclinationem voluntatis, cum defectu sufficientis refectionis & determinationis in voluntate: qui in actu puro implicat: actus vero conditionatus ex parte objecti dicit actum & determinationem præsentem voluntatis cum alligatione tamen objecti ad certam conditionem, quantumvis illa nunquam sit ponenda: & talia decreta conditionata in DEO necessarij admitti debent.

Nam primò Matt. 26. Christus dixit: quod si patrem rogaret, esset exhibitorum, plus quam 12. Legiones Angelorum, adeoque supponebat voluntatem & decretrum Patris exhibendi tot legiones sub hac conditione, si Filius rogaret. Similiter paclum, quo DEUS Adamo promisit iustitiae originalis propagationem in posteros, sub conditione non peccandi, erat voluntas absoluta, præsens & efficax ex parte DEI promittentis, conditionata tamen ex parte objecti, & quidem sub conditione nunquam implenda vel redigenda in actu.

Secundò. Infinitas divinae voluntatis non minus exigunt esse constituta in actu circa omne objectum volibile, quām intellectus infinitas circa omne scibile: sed effectus futuri sub conditione nunquam ponenda sunt objectum liberè volibile; ergo divina voluntas per propriam determinationem debet esse in actu circa ista futura conditionata.

Tertio. De futuris absolutis DEUS habet decreta ab soluta ex parte objecti: ergo de conditionatis habet decreta conditionata, consequentia probatur: ideo requiruntur decreta absoluta pro futuris absolutis, quia sine eismodi decretis cœfaret omnis rerum futurito: cūm esse futurum si esse præparatum in causa; sed etiam sublati de-

creto conditionato ex parte objecti tollitur statu futuritionis conditionata: cūm etiam futurum conditionatum sit aliquod esse præparatum in causa extractum è statu pure possibilis: ergo de futuris conditionatis tantur in DEO decretis conditionata ex parte objecti. Ex parte objecti, inquam, quia conditionata ex parte objecti, cūm non sint, sed essent, nullam raciunt præparationem in causa, & consequenter nullam possunt tribuere futuritionem. His positis fit.

Conclusio. DEUS non aliter certò cognoscit, futura conditionata, quām in decretis ab solutis ex parte actus, & conditionatis ex parte objecti, Ita communiter Thomista contra Molinistas.

Ratio ex dictis est: DEUS nihil futurum sive libera voluntati subjectum certò potest cognoscere, nisi ratione sui liberi decreti: sed futura contingentia conditionata sunt aliquod futurum & ab ente pure possibili distinctum: ergo ut sic non nisi ratione liberi decreti cognoscitur: sed non cognoscitur ratione decreti ab soluti; alijs quippe jam forent absolute futura, non etiam ratione decreti conditionatae parte actus, quia tale decretum, cūm actu non existat, etiam nullam causam actu præparat, vel determinat, nec proinde sufficit ad tribuendam denominationem futuritionis. Reftar igitur, ut hæc futura cognoscatur in decretis ab solutis quidem ex parte actus, conditionatis autem ex parte objecti: cūm alius de certam cognoscibilitatem & futuritionem non possint accipere.

§. II.

Solvuntur objectiones.

Obijecies primò. Non requiritur major ei, stentia causa, quām sit existentia effectus, sed existentia effectus conditionatae futuri est per conditionata: ergo etiam sufficit existentia conditionatae decreti, quod tantum est, si ponatur effectus.

Confirm. Ad effectum actu ponendum requiritur causa actu influens, & ad absolute futurum decretum absolutum; ergo ad effectum tantum conditionatae futurum, qui nec est, nec est, id tantum est, si ponatur certa conditio, etiam sufficit decretum, quod existet, non quod actu existat.

Resp. dist. maj. non requiritur major existentia causa, que actu influit existentiam in effectu, conc. que tantum præparat existentiam, nego maj. sed existentia effectus conditionatae futurum tantum conditionata, ita tamen ut habeat esse futurum in præparatione causa, conc. in alio, neg. minorem, & consequentiam. Cū enim futuratio sit extrinsica denominatio à præparatione causa, hæc autem à decreto actu existente proveniat, necesse est dari actualia decreta de futuris conditionatis.

Ex quo patet responsio ad confirm. negatur enim consequentia: quia decretum, quod actu non existit, nullam causam præparat, adeoque non potest tribuere formalem effectum & extrinsecam denominationem futuritionis.

Obijc. secundò. Ejusmodi decreta sunt otiosæ & ridicula: ergo non admittenda. Antec. prob. Illud decretum est otiosum & inutile, cuius effectus,